



UNIVERSITI
TEKNOLOGI
MARA

Cawangan Terengganu

INFO

USAHAWAN

Edisi 31 (Jan - Jun 2024)

Usahawan Pemacu Ekonomi Mapan

ISSN 1823-6421



BULETIN ADALAH HAK MILIK KEKAL MASMED
UiTM CAWANGAN TERENGGANU

Universiti Teknologi MARA (UiTM) Rakan Strategik Inisiatif Pendapatan Rakyat (IPR)

Faizatul Akmam Binti Amirrudin¹ and Balqis Binti Mohd Shariff¹

¹Fakulti Pengurusan dan Perniagaan, UiTM Cawangan Selangor Kampus Puncak Alam, Selangor Malaysia

*Emel koresponden: akmamamir671@uitm.edu.my

Pelaksanaan Inisiatif Pendapatan Rakyat (IPR) memerlukan kerjasama yang erat antara peserta program IPR, kerajaan dan rakan strategik dalam meningkatkan pendapatan golongan sasaran dan seterusnya meningkatkan ekonomi harian. Dalam usaha menjayakan objektif IPR ini, Universiti Teknologi Mara telah menjadi Rakan Strategik Bersama Kementerian Ekonomi bagi beberapa kerjasama yang memberi manfaat kepada peserta IPR dan komuniti. Antara Kerjasama yang telah dibentuk ialah:

1. Pelaksanaan Pemetaan dan Pemantauan Program IPR

Pelaksanaan pemetaan dan pemantauan merupakan proses profiling Ketua Isi Rumah (KIR), mengemukakan cadangan program dan merangka intervensi yang bersesuaian serta memantau pelaksanaan Program IPR Pembasmian Miskin tegar (BMT) untuk meningkatkan pendapatan peserta untuk melepasi Pendapatan Garis Kemiskinan (PGK)

2. Pelaksanaan Kursus Literasi Kewangan Peserta Program Inisiatif Pendapatan Rakyat

Pengetahuan dan kemahiran pengurusan kewangan merupakan asas utama untuk memastikan para peserta IPR berupaya meneruskan kelangsungan demi menjamin kemampuan aktiviti ekonomi yang diceburi. Demi memastikan aspek ini dicapai UiTM akan bertindak sebagai pembangun dan pengajar modul latihan literasi kewangan kepada 3000 peserta IPR dan BMT di seluruh negara. Sebanyak RM4,801,500.00 peruntukan telah diluluskan bagi tujuan ini. Kelas pertama untuk kursus ini telah diadakan pada 16 Disember 2023 di UiTM Cawangan Selangor Kampus Puncak Alam.

3. Penempatan 49 unit Mesin Layan Diri IPR (INSAN) di Kampus UiTM Seluruh Negara

UiTM Cawangan Selangor Kampus Puncak Alam telah menjadi perintis kepada program IPR INSAN dan program ini telah diperluaskan

ke seluruh kampus UiTM. Menerusi program IPR INSAN ini, harga jualan makanan adalah pada harga RM2 hingga RM5 yang dapat meringankan kos perbelanjaan pelajar di kampus dan memberi ruang kepada peserta IPR terpilih untuk menjana pendapatan.

Menjadi rakan strategik bagi program-program IPR di bawah Kementerian Ekonomi mempunyai potensi besar untuk memberi kesan positif kepada pendapatan kumpulan sasaran dan ekonomi harian. Dengan memanfaatkan kepakaran UiTM dalam latihan dan pembangunan kemahiran, menjalankan penyelidikan dan analisis data, menyokong usaha keusahawanan, melibatkan komuniti, menyepadukan teknologi, dan menyediakan perkhidmatan sokongan holistik,

Sebagai Kesimpulan, kerjasama ini boleh mewujudkan pendekatan pelbagai aspek untuk memperkasakan ekonomi. Kerjasama ini boleh membawa kepada peningkatan yang lebih ketara dan mampan dalam membantu usaha kerajaan menamatkan kemiskinan tegar di Malaysia.

Rujukan

[1] https://korporat.uitm.edu.my/images/SpeechTextForewordPressRelease/Teks_YB_Menteri_Ekonomi_-_Majlis_Penyerahan_Geran_Program_Inisiatif_Pendapatan_Rakyat_IPR.pdf

[2] <https://www.uitm.edu.my/index.php/en/latest-news/475-universiti-teknologi-mara-dan-kementerian-ekonomi-malaysia-jalin-kerjasama-tangani-kemiskinan>

[3] <https://www.youtube.com/watch?v=LuRmuG4DoGA>